



LISUNGI KOLONGWA NA LIKOLO

COMPILÉ PAR
WATSON GOODMAN

LIKABO —
MPO NA KOTEKA TE

LISUNGI KOLONGWA NA LIKOLO

“LISUNGI KOLONGWA NA LIKOLO” ezali koyangana na biteni na Maloba na Nzambe tojui kati na Biblia. Na miso na ngai maloba na Biblia efungolaka ntina na Maloba mosusu na Biblia.

Maloba na Njambe elongwi “na likolo” mpe ejali kosunga mitema oyo mijali na mposa na boyengebene. Njambe ajali komimonisa epai na moto oyo ajali kobongwa motema, koteka masumu, mpe koyamba Kristo kofanda kati na motema na ye, mpe kondima na motema nyoso ete Mokonji Yesu Kristo ajali mobikisi na ye. Njambe akopesa ye esengo na Ye mpe kimia kati na motema na ye. Najuaki kobikisa oyo na 1937. Biso na Njambe tokabalani te kino lelo. Napameli yo komipesa epai na Njambe pelamoko Mobikisi mpe Mokonji na yo. —Watson Goodman

Text reprinted from the Bible in Lingala by permission of the United Bible Societies Regional Centre, Nairobi, Kenya.

Yoane 3.16

Mpɔ ete Njambe alingaki mokili na motindo boye ete apesi Mwana-nalikinda na ye ete moto na moto oyo akondima ye abebisama te kasi ete ajala na bomɔi na seko.

Yilimia 31.3

Yawe amɔnanaki epai na ye longwa na kala, ye ete, Nalingi yo na bolingo na seko, bongo naumelisi boboto na ngai epai na yo.

Yoane 13.1

Liboso na Elambo na Elekeli, Yesu ayebaki ete elaka esili ko-

koka ete alongwa na mokili oyo kokenda epai na Tata. Alingaki bato na ye moko baoyo bajalaki kati na mokili; alingaki bango kino nsuka.

Baloma 5.8

Nde Njambe amɔnisi bolingo na ye mpɔ na biso na njela oyo: naino ejalaki biso bato na masumu, Klisto akufelaki biso.

Emɔniseli 1.5

Mpe na Yesu Klisto, ye motatoli na sembo, ye mobotami na liboso kati na bakufi, mpe mokonji na bakonji na nse. Ye alingaki biso, mpe asukoli biso na masumu na biso na makila na ye.

Matai 1.22, 23

Likambo oyo mobimba ebimi ete liloba na Nkolo likoka, lokola elobaki mosakoli ete, Tala mwana mwasi akojua jemi mpe akobota mwana mobali mpe bakianga nkombo na ye Emanuele ntina na yango: Njambe na biso elɔngɔ.

Yoane 1.1 mpe 14

Na ebandeli Liloba ajalaki, mpe Liloba ajalaki mboka na Njambe, Liloba ajalaki mpe Njambe. . . Liloba akomi mosuni mpe atemisi mongombo na ye kati na biso mpe tomɔni nkɛmbɔ na

ye, nkɛmbɔ lokola mwana oyo abotami lokola mwana-nal.kinda longwa na Tata; atondi na ngɔlu mpe na sɔlo.

Yoane 14.9, 10

Yesu alobi na ye ete, Najali na bino ntango molai boye, nde yɔ Filipo, oyebi naino ngai te? Ye oyo amɔni ngai asili komɔna Tata. Mpɔ na nini yɔ olobi ete, Mɔnisa biso Tata? Ondimi te ete ngai najali kati na Tata mpe Tata kati na ngai? Makambo majali ngai koloba na bino, nasololi yango na monɔkɔ na ngai mɔkɔ te. Kasi Tata oyo afandi na kati na ngai akosalaka misala na ye.

1 Yoane 4.15

Səkə moto akoyambola ete Yesu ajali Mwana na Njambe, Njambe ajali koumela kati na ye mpe ye kati na Njambe.

Yisaya 9.6

Jambi mwana abotameli biso, mwana mobali apesameli biso; bokonji ekojala likolo na libeka na ye, nkombo na ye akobiangama ete, Mosungi na kokamwa, Njambe na nguya, Tata na seko, Nkolo na kimia.

Matai 17.5

Ejalaki ye koloba, tala lipata na kongenga ejipi bango mpe mongongo kati na lipata elobi ete,

Oyo Mwana na ngai na bolingo, nasepeli ye mingi. Boyoka ye!

Matai 3.17

Mpe mongongo uta na Likolo elobi ete, Oyo Mwana na ngai na bolingo, nasepeli ye mingi.

Bakələsə 2.9

Jambi litondi mobimba na Bonjambe ekofandaka kati na ye na motindo na njoto.

Luka 1.35

Mwanje ajongisaki monəkə ete, Molimo Mosanto akoya likolo na yə, mpe nguya na Oyo-Aleki-Likolo ekojipa yə. Yango wana mwana na buləə oyo akobotama akobiangama Mwana na Njambe.

YESU AYEBISI BISU AJALI NANI

Yoane 11.25

Yesu alobi na ye ete, Ngai najali lisekwa mpe bomɔi. Ye oyo ajali kondima ngai, ata asili koufa, akobika.

Yoane 8.23

Alobi mpe na bango ete, Bino bouti na nse, ngai nauti na Liko-lo. Bino bouti na mokili oyo, ngai nauti na mokili oyo te.

Yoane 9.5

Naino ejali ngai kati na mokili, najali moi na mokili.

Yoane 6.35

Yesu alobi na bango ete, Ngai najali kwanga na bomɔi, ye oyo

akoyela ngai, akoyoka njala te mpe ye oyo akondima ngai akoyoka lisusu mposa na mai te.

Yoane 10.7

Bongo, Yesu alobi na bango lisusu ete, Sɔlɔ sɔlɔ najali koloba na bino ete, Ngai najali ekuke na bampate.

Yoane 13.13

Bino bokobianga ngai Molakisi mpe Nkolo, mpe bojali koloba sembo mpɔ ete najali bongo.

Yoane 8.58

Yesu alobi na bango ete, Sɔlɔ sɔlɔ nalobi na bino ete, Naino ejalaki Abalayama te, ngai najali.

Matai 20.30 mpe 34

Tala bato mibale bakufi miso bafandi na njela. Eyoki bango ete Yesu ajali koleka, bangangi ete, Nkolo, yokela biso mawa, ε Mwana na Dawidi! . . . Yesu ayoki mawa mpe amami miso na bango mpe nɔkinɔki bamɔni lisusu mpe babili ye.

Matai 14.19-21

Alaki ete bibele bafanda na matiti. Esili ye kokamata mikate mitano mpe mbisi mibale, atali na likolo mpe apamboli mpe abuki mpe apesi mikate epai na bayekoli na ye mpe bayekoli ebele monɛnɛ na mbisi, maluba na bango mpe makatanaki.

mpe batondi. Baləkəti ndambo itikali kotondisa mitetə jomi na mibale. Baoyo balei bajalaki babali nkoto mitano, kotanga basi mpe bana te.

Luka 5.4-6

Wana etikaki ye kosolola, alobaki na Simona ete, Tinda bwato kuna na mai bojindo, mpe kitisa maluba na bino mpɔ na kokanga mbisi. Simona alobaki ete, Tosali mosala butu mobimba, Molakisi, nde tojui eločo te. Nde mpɔ na mončo na yo nakokitisa maluba. Basalaki bongo mpe bakangaki ebele monɛnɛ na mbisi, maluba na bango mpe makatanaki.

6 YESU KLISTO AJALI MOJALISI MPE MOKONJI

Baebelə 1.2

Njambe. . . Na mikolo oyo na nsuka asololi na biso kati na Mwana oyo atii ye mosangoli na libula na biloko yonsɔ; na ye mpe ajalisaki bikeke.

Baloma 14.9

Jambi Klisto akufaki mpe ajua-ki bomɔi lisusu mpɔ na oyo ete ajala Nkolo na bakufi mpe na ba-to na bomɔi lokola.

Yoane 1.3

Biloko yonsɔ ijalisami na ye mpe sɔkɔ na ye te, eloko mɔkɔ ejalisami te.

1 Bakɔlinti 1.9

Njambe akokokisa bilaka na ye; ye mɔkɔ abiangi bino ete bo-

sangana na Mwana na ye Yesu Klisto, Nkolo na biso.

Misala 2.36

Na bongo tika ete libota mo-bimba na Yisalaele bayeba sɔlɔ ete Njambe ajalisi ye Nkolo mpe Klisto, ye Yesu oyo bino bobakisi ye na ekulusu.

Bakɔlɔsɛ 1.16

Mpɔ kati na ye, biloko yonsɔ bijalisamaki, na biloko na Likolo mpe biloko na nse, biloko biko-mɔnanaka mpe biloko bijangi ko-mɔnana, na kiti na makonji, na bonkolo, na mikolo, na mikonji — biloko yonsɔ bijalisamaki na maboko na ye mpe mpɔ na ye.

Yoane 5.22

Tata ajali kosambisa moto tε,
kasi asili kopesa kosambisa yɔnsɔ
epai na Mwana.

Baloma 14.10

Mpɔ na nini yɔ okofundaka
ndeko na yɔ? Mpɔ na nini yɔ
okotiola ndeko na yɔ? Jambi biso
yɔnsɔ tokotelema liboso na esa-
mbiselo na Njambe.

Misala 10.42

Alaki biso kosakola na bato
mpe kotatola ete ye wana ajali
Mopɔnami na Njambe lokola
Mosambisi na bato na bomɔi mpe
na bakufi.

2 Timote 4.1

Liboso na Njambe mpe na Kli-
sto Yesu, ye oyo akosambisa bato
na bomɔi mpe bakufi, mpe mpɔ
na komɔnana na ye mpe Bokonji
na ye, najali kolaka yɔ ete.

Baloma 2.16

Na mokɔlɔ yango wana Nja-
mbe akosambisa makambo na
nkuku na bato na njela na Yesu
Klisto. Nsango Malamu na ngai
ejali bongo.

Matai 25.32

Akoyanganisa mabota yɔnsɔ li-
boso na ye mpe akokabola kati
na bango lokola ekosalaka moba-
teli na bampate mpe bantaba.

Yoane 10.9

Ngai najali ekuke. Soko moto nani akoingela na njela na ngai, akobika mpe akoingela mpe akobima mpe akojua bilei.

Yoane 14.6

Yesu alobi na ye ete, Ngai najali njela mpe soko mpe bomoi. Moto akokoma epai na Tata te soko na njela na ngai te.

Misala 4.12

Lobiko mpe ejali na moto mosusu te, mpo ete nkombo mosusu te esili kopesama awa na nse kati na bato ete tokoka kobika mpo na yango.

Yoane 8.24

Boye nalobi na bino ete bokokufa kati na masumu na bino. Soko bokondima te ete ngai najali oyo ejali ngai mbe bokokufa na masumu na bino.

Baebele 5.9

Mpe esili ye kobongisama kwa, akomaki eutelo na lobiko na seko mpo na bango yonsa bakotosaka ye.

Baebele 7.25

Bongo ayebi kobikisa bango bakobelema na Njambe na njela na ye, awa ejali ye na bomoi libela ete abondela mpo na bango.

Luka 19.10

Mpo ete Mwana na moto ayei koluka mpe kobikisa yango ebungani.

Tito 2.14

Ye amipesaki mpɔ na biso ete asikola biso na kilikili yɔnsɔ mpe ete apetɔla mpɔ na ye mɔkɔ libota na ye mpenja, baoyo bajali na mposa na kosalaka misala malamu.

Bakɔlɔsɛ 1.12-14

Botɔnda Tata, ye oyo abɔngisi bino mpɔ na kojua likabo na bino na libula na Babulami kati na moi. Ye abikisi biso longwa na nkanga na molili mpe akɔtisi biso na bokonji na Mwana na ye na

bolingo. Kati na ye tojali na lisiko, yango kolimbisama na masumu.

1 Bakɔlinti 1.30

Bino bojali kati na Yesu Klisto mpɔ na ye. Njambe ajalisaki ye mayɛlɛ mpɔ na biso, ajali mpe boyɛngɛbene na biso mpe bulɛɛ mpe lisiko.

Emɔniseli 5.9

Bayembi loyembo na sika ete: Obɔngi na kokamata mokanda yango mpe na kokangola bilembo na yango, mpɔ ete obomami mpe na makila na yɔ osikoli mpɔ na Njambe bato na mikili yɔnsɔ, na minɔkɔ yɔnsɔ, na bibolo yɔnsɔ, na mabota yɔnsɔ.

Baefesë 1.7

Na ye tojui lisiko na njela na makila na ye, kolimbisama na mabunga pelamokö ngölu na ye efuluki mingi mpenja.

1 Yoane 1.7

Nde soko tokotambolaka na moi, pelamokö ye ajali kati na moi, tokojalanaka na lisangana na biso mpenja mpe makila na Yesu, Mwana na ye, makopetolaka biso na masumu yonso.

1 Petelö 1.18, 19

Boyebi ete bosili kosikwa kati na bijaleli na bino na mpamba bilongwi na bankökö, na bilökö bikopola lokola palata soko w-

lo te, kasi bosili kosikwa na makila na Yesu Klisto maleki yonso na motuya, lokola makila na mwana na mpate oyo na mpota te mpe na litono te.

Baebelë 9:14

Na koleka mpenja, makila na Klisto, ye oyo amipësaki epai na Njambe na litono te kati na Molimo na seko, makopetola lisësöli na biso longwa na misala na kufa kino mosala kosalela Njambe na bomci.

Baloma 5.9

Na koleka mpenja, awa elongi biso na njela na makila na ye, tokobika na ntango na nkanda.

1 Yoane 5.4

Mpo ete moto na moto oyo asili kobotama na Njambe akolekaka mokili. Elonga oyo eleki mokili ejali kondima na biso.

Baefese 2.8, 9

Bobiki na ngolu na njela na kondima; yango euti na bino te, ejali likabo na Njambe. Euti na misala te ete moto amikumisa te.

Yoane 20:31

Kasi oyo bisili kokomama ete bondima ete Yesu ajali Klisto, Mwana na Njambe mpe ete, wana ekondima bino, bojala na bomoi na seko kati na nkombo na ye.

Yoane 6.28, 29

Balobi na ye ete, Tosala nini ete tosala misala na Njambe? Yesu ajongisi monokɔ mpe alobi na bango ete, Mosala na Njambe ejali boye ete bondima motindami na ye.

Baloma 5.1

Na bongo, esili biso kolonga na njela na kondima, tojali na kimia liboso na Njambe mpo na Nkolo na biso Yesu Klisto.

Bagalatia 5.6

Mpo ete kati na Klisto Yesu, kokatama ngenga sɔkɔ esute ejali na ntina te; kasi bobele kondima oyo ekosalaka mosala na bolingo.

Njembo 103.17

Kasi boboto na Yawe ejali lobiko na lobiko likolo na baoyo bakobangaka ye mpe boyengebene na ye kino bana na bana.

Mika 7.18

Nani ajali Njambe lokola yo, ye oyo alimbisi masumu, mpe atiki lipengwi na litika na libula na ye? Akobatela nkanda na ye libela te mpo ete asepeli kosalaka na boboto.

Tito 3.5

Abikisi biso na ntina na misala misalaki biso na boyengebene te, kasi mpo na mawa na ye moko; na njela na kosukola na kopetwa

mpe na kobotama lisusu mpe kovalisama eloko na sika na Molimo Mosanto.

Njembo 108.4

Jambi boboto na yo ejali monene kino lola; mpe sembo na yo bobele kino mapata.

Njembo 103.11

Jambi lokola molai na lola ejali na likolo na mokili, boboto na ye ejali monene boye epai na baoyo bakobangaka ye.

Bileli 3.22, 23

Mpo na boboto na Yawe, toabisami te, makambo na mawa na ye makosuka te. Majalisami na sika ntongo na ntongo; kondima na na yo ejali monene mpenja.

Matai 11.28

Boya liboso na ngai, bino yɔ-nɔ bojali kolemba na mosala mpe kokumba bojito mpe nako-pemisa bino.

Eməniseli 22.17

Molimo mpe Mwasi na libala balobi ete, Yaka! Tika moyoki aloba ete, Yaka! Tika ete moto na mposa na komela aya, mpe oyo ajali na mposa akamata mai na boməi lokola likabo.

Yisaya 1.18

Boye, tolobana likumbo elongɔ mɔkɔ; Yawe alobi bongo. Ata masumu na bino ijali motane lo-

kola ngola, ikokoma pɛɛ lokola mbula mpɛmbɛ; ata ijali motane lokola makila, ikojala lokola nkunja na bampate.

Yoane 7.37

Na mokɔlɔ na nsuka, mokɔlɔ monene na Elambo, Yesu atelemi mpe angangi ete, Sɔkɔ moto ajali na mposa na komela, aya mboka na ngai mpe amela.

Yisaya 55.1

ɛ mɔkɔ na mɔkɔ oyo ayoki mposa na komela, yaka epai na mai! Ye oyo ajali na mosɔlɔ tɛ, yaka, osomba mpe olia! Yaka, osomba vinyo mpe mabɛlɛ, na mosɔlɔ tɛ, na motuya mpe tɛ.

14 BATU YONSO TE BAJALI BANA NA NJAMBE

Yoane 1.12

Kasi epai na baoyo bayambi ye, apesi bango bokonji na kajala bana na Njambe, na baoyo bandimi na nkombo na ye.

1 Yoane 3.10

Bana na Njambe mpe bana na Satana bakomənana polele na likambo oyo. Moto na moto oyo ajangi kosalaka boyengeten auti na Njambe te; na oyo ajangi kolinga ndeko na ye lokola.

Baloma 8.14, 15

Baoyo yənsə bakambami na Molimo na Njambe bajali bana

na Njambe. Boyambi molimo na boombo te ete bojonga na makambo na nsəmə, kasi boyambi molimo oyo apesi lokumu na bana; na yango mpe tokobee-laka ete Aba! Tata!

2 Bakɔlinti 6.17, 18

Yango wana, bobima na kati na bango, mpe bokabwana na bango. Njambe alobi bongo. Bomama eləkə na mbindo te, mpe boye nakoyamba bino. Nakojala tata epai na bino, mpe bino bokojala bana na ngai babali mpe bana na ngai basi. Nkolona-Nguya-Yənsə alobi bongo.

LIKAMBO NJAMBE ALOBI NA NTINA NA MASANGA 15

Masese 23.31, 32

Tala vinyo te wana ejali motane, wana ejali kongenga kati na kɔpɔ, wana ekomelama na motindo molulami. Na nsuka ekokata lokola nyoka, ekojokisa lokola etupa.

Bagalatia 5.19-21

Misala na njoto imɔnani polele, yango oyo: ekobo, makambo na bosɔtɔ, pite, kosambela bikeko, ndɔki, nkaka, kowelana, jua, nkanda, kolulela, kokabwana, kopɔnapɔna, koboma bato, kolanga masanga, bilambo na lokoso mpe makambo na motindo yango. Najali kokebisa bino

lokola ekebisaki ngai bino liboso ete baoyo bakosalaka makambo yango bakosangola Bokonji na Njambe te.

Baloma 13.13, 14

Totambolaka na ejaleli ekoki na moi; na bilambo na lokoso te, na kolanga masanga te, na pite mpe na mobulu te, na kowelana sɔkɔ na jua te. Kasi bolata Nkolo Yesu Klisto lokola elamba mpe bokanisa te mpɔ na kose-pela mposa na njoto.

Masese 20.1

Vinyo ejali motuki mpe masanga ekongala; ye oyo akojimbi-sama na yango ajangi mayele.

16 NJELA BISO MPENJA TOPONI EKOKANI TE

Matai 22.37, 38

Alobi na ye ete, Okolina Nkololo Njambe na yə na motema na yə mobimba mpe na molimo na yə mobimba mpe na makanisi na yə mobimba. Oyo ejali mobeko moleki monene mpe oyo na liboso.

Malako 10.17-22

Molakisi malamu, nasala nini mpo na kojua bomoi na seko? Yesu alobi na ye ete, Ojali kotanga ngai malamu mpo na nini? Moto malamu ajali tə, bobele Njambe. Oyebi malako: Boma moto tə, sala ekobo tə, yiba tə, tatola likambo na lokuta tə, bətəla eləkə na

moto tə, kumisa tata na yə mpe mama na yə. Alobi na ye ete, Molakisi, nasili kotosa oyo yənsə longwa na boləngə na ngai. Yesu atali ye mpe alingi ye; alobi na ye ete, Ojangi bobele eləkə məkə; kenda kotekisa biləkə yənsə bijali na yə, kabola yango na babola, mpe okojala na mosələ na Likollo: mpe yaka, bila ngai. Eyoki ye liloba yango, akangi elongi na ye, alongwi na mawa mpo ete ajalaki mojui na biləkə mingi.

Masese 16.25

Njela ejali oyo emənani malamu na moto, nde nsuka na yango bobele njela na kufa.

Baefesë 5.6

Tika tε ete moto ajimbisa bino na maloba na mpamba; mpɔ na makambo oyo, nkanda na Njambe esopani epai na bana na nkanja.

Yakobo 1.22

Bojalaka nde batosi na liloba, bobele bayoki mpamba tε, komijimbisa bino mpenja.

1 Bakɔlinti 6.9, 10

Boyebi tε ete bato na masumu bakosangola libula na Bokonji na Njambe tε? Bomijimbisa tε, moto na pite mpe basambeli na bikeko mpe bato na ekobo mpe bakembi na nsɔni mpe mibali ba-

mibebisi na mibali mpe bayibi mpe bato na bilulela mpe balangi masanga mpe batuki mpe babɔtɔli bakosangola Bokonji na Njambe tε.

1 Yoane 3.7, 8a

Bana, tika tε ete moto apɛngɔla bino. Ye oyo akosalaka boyɛngɛbɛnɛ ajali moyɛngɛbɛni pelamɔkɔ ye wana ajali moyɛngɛbɛni. Ye oyo akosalaka masumu auti na Satana mpɔ ete Satana ajali kosala masumu longwa na ebandeli.

Bagalatia 6.3

Jambi sɔkɔ moto nani akanisi ete ajali moto monɛnɛ wana ajali bongo tε, ajali komijimbisa.

Luka 15.32

Nde ekoki ete tosepela mpe tojala na esengo mpɔ ete ndeko na yɔ oyo ajalaki mokufi mpe ajali na bomɔi lisusu, ajalaki mobungani mpe ajuami.

Masese 11.19

Lokola boyengεbεnε ekoyeisa bomɔi, bongo ye oyo akobilaka mabe akokoma na kufa na ye mpenja.

Baloma 5.12

Na bongo, mabe ekɔtaki na mokili mpɔ na moto mɔkɔ, mpe kufa ekɔtaki mpɔ na mabe. Kufa mpe epalangani epai na bato yɔnsɔ mpɔ ete bato yɔnsɔ basali mabe.

Yakobo 1.15

Na nsima, esili mposa kojua jemi, eboti lisumu, mpe esili li-sumu yango kokola eboti kufa.

Baloma 8.6

Kotia motema na makambo na njoto ekoyeisa bobele kufa, nde kotia motema na makambo na molimo ekoyeisa bomɔi mpe ki-mia.

Ejekiele 18.20

Ye oyo asali lisumu akokufa. Mwana akomɛma lisumu na tata na ye tɛ, mpe tata akomɛma li-sumu na mwana tɛ, boyengεbεnε na moyengεbeni ekojala na likolo na ye, mpe lisumu na moto mabe ekojala na likolo na ye.

Luka 7.14, 15a

Akendaki epai na sanduku mpe amamaki yango, mpe baoyo bajalaki komemba batelemaki. Alobaki ete, Elengə mobali, nalobi na yo ete, sekwa! Mokufi afandaki mpe abandaki kosolola. . .

Eməniseli 1.18

Mpe Moto na Bomči. Nakufaki, nde najali na bomči libela na libela. Najali na mafungola na kufa mpe na Ewelo.

Yoane 11.43, 44

Elobi ye boye, angangi na mongongo makasi ete, Lasalo, bima libanda. Ye oyo asili kokufa abi-

mi naino ekangami ye na bilm̄ba na makolo mpe na mabɔkɔ mpe elongi na ye ejingami na litambala. Yesu alobi na bango ete, Bokangola ye mpe tika ete alongwa.

Yoane 10.17, 18

Na ntina oyo, Tata alingi ngai mpɔ ete natiki bomči na ngai ete nasimba yango lisusu. Moto alongoli yango na ngai te, nde natiki yango na mokano na ngai mpenja. Najali na bokonji kotika yango mpe najali na bokonji kosimba yango lisusu. Najui llak̄o oyo epai na Tata na ngai.

Dutεlənəmε 5.7-21

Okojala na banjambe mosusu liboso na ngai tε.

Okosala ekeko mpɔ na yɔ tε, sɔkɔ elilingi na elɔkɔ na lola na likolo tε, to na mokili na nse tε, to na mai na nse na mokili tε. Okokumbamela yango tε to kosalela yango tε. . .

Okotanga nkombo na Yawe Njambe na yɔ mpamba tε, mpɔ ete Yawe akolongisa tε oyo atangi nkombo na ye mpamba.

Kanisa mokɔlɔ na sabata ete obulisa yango, lokola Yawe Njambe na yɔ alakelaki yɔ. Okosala mosala mikɔlɔ motoba, mpe ko-

silisa mosala na yɔ yɔnsɔ, nde mokɔlɔ na nsambo ejali sabata epai na Yawe Njambe na yɔ. . .

Kumisa tata na yɔ mpe mama na yɔ, lokola Yawe Njambe na yɔ alakelaki yɔ. . .

Okoboma tε.

Okosala ekobo mpe tε.

Okoyiba mpe tε.

Okoloba matatoli na lokuta na ntina na mojalani na yɔ mpe tε.

Okolula mwasi na mojalani na yɔ mpe tε, mpe okoyoka mposa na ndako na mojalani na yɔ tε, sɔkɔ na elanga na ye tε, sɔkɔ na moombo na ye mobali tε, sɔkɔ

na moombo na ye mwasi te, soko na ngombe na ye te, soko na

mpunda na ye te, soko na eloko nini ejali na mojalani na yo te.

OKOKI KOBOMBAMA NA NJAMBE TE

21

Yobo 34.21, 22

Mpo ete miso na ye ijali likolo na njela na moto, amoni matambe na ye yonsa. Molili ejali te, elilingi na kufa mpe te, wana bato mabe bakolukaka komibomba.

Yilimia 23.24

Yawe alobi ete, Moto akolonga nde komibomba na bisika na nkuku ete ngai namona ye te? Ngai najali kotondisa na lola mpe na mokili te? Yawe alobi bongo.

Luka 8.17

Mpo ete makambo yonsa na nkuku makobima polele, mpe makambo yonsa mabombami makoyebana mpe makobima polele.

Njembo 139.8 mpe 12

Soko nabuti na lola, yo ojali kuna; soko nasali mbeto na ngai kati na bakufi, tala, ojali kuna. . . . kasi molili ejali molili liboso na yo te; mpe butu ekotana lokola moi epai na yo.

ETUMBU NA SEKO MPO NA BATU KOBANGA NJAMBE TE

Njembo 9.17

Bato mabe bakojonga na esika na bakufi, mabota yonsa baoyo bakobosana Njambe.

Matai 18.8

Sokclobokc na yc to lokolo na yc ekosalisa yc lisumu, jenga yango mpe bwaka yango longwa na yc. Eleki malamu na yc koingela na bomci lokola ebccnto mokatatali nde kobwakama na mct na seko te wana ejali yc na mabokc mibale to makolo mibale.

Matai 13.41, 42

Mwana na moto akotinda banje na ye mpe bakolokota kati

na bokonji na ye makambo yonsa makoyokisa nsni mpe yonsa bakosalaka mabe. Mpe bakobwaka yango kino litumbu na mct. Wana ekojala bileli mpe kokakata-kata na mino.

Matai 25.46

Bango bakolongwa kino etumbu na seko nde bayengebeni kino bomci na seko.

2 Petelo 3.7

Mpo na Liloba na ye, Likolo mpe nse na ntango oyo ibombami ete ijika; ijali kobatelama kino mokcl na kosambisa mpe na koboma bato bakotiolaka Njambe.

2 Petelə 2.9

Boye Nkolo ayebi kobikisa bango bakosambela ye wana ejali bango kati na komekama nde kobatela bakeseni kino mokələ na kosamba mpɔ na kojua etumbu.

Baεbelε 9.27

Mpe pelaməkə ebəngi na bato ete bakufa mbala məkə mpe nsi-ma ekateli ekoya.

Misala 17.31

Mpɔ ete asili kopɔna mokələ wana ekosambisa ye mikili yɔnsɔ na sembo, mpe akosambisa bango na moto oyo asili kopɔna. Amə-

nisi bato yɔnsɔ polele ete ejali sɔlɔ, mpɔ ete asekwisi ye na bakufi.

1 Yoane 4.17

Bolingo esili kokoka epai na biso na likambo oyo ete tojala na molende na mokələ na kosamba mpɔ ete pelaməkə ye wana ajali, biso mpe tojali bongo kati na mokili oyo.

2 Bakɔlinti 5.10

Mpɔ ekoki na biso yɔnsɔ komənana liboso na esambiselo na Klisto ete moto na moto ajua yango ekoki na ye mpɔ na misala misalaki ye na njoto, sɔkɔ malamu sɔkɔ mabe.

Misala 4.33

Bantoma mpe batatoli na nguya mingi likambo na lisekwa na Nkolo Yesu, mpe ngɔlu monene ejalaki na bango yɔnsɔ.

2 Bakɔlinti 9.15

Matɔndi epai na Njambe mpɔ na likabo na ye liyebi kolobama te.

1 Petelo 5.5b

. . . mpɔ ete Njambe akotɛ-mɛlaka bato na lolendɔ, nde akopɛsaka basɔkɛmi ngɔlu.

Baloma 5.15

Kasi likabo na ngɔlu na Njambe ejali motindo mɔkɔ na li-

bunga te. Mpɔ, sɔkɔ bato mingi bakufi mpɔ na libunga na moto mɔkɔ, ngɔlu na Njambe mpe likabo na ngɔlu kati na moto mɔkɔ Yesu Klisto esili koyikana mpɔ na mingi mingi na koleka.

2 Bakɔlinti 8.9

Jambi boyebi ngɔlu na Nkolo na biso Yesu Klisto, ete ye mojui akomaki mobola mpɔ na bino ete bojala bajui mpɔ na bobola na ye.

Baloma 9.16

Boye ejali likambo na mokano na moto te to na mpiko na ye te nde na boboto na Njambe.

Misala 3.19

Na bongo, bongola mitema, mpe butwa ete bopetwa na masumu ete ntango na kopema euta na Nkolo.

Misala 2.38

Petelo alobi na bango ete, Bongola mitema, mpe batisama moko moko na nkombo na Yesu Klisto mpø na kolimbisama na masumu na bino, mpe bokojua likabo na Molimo Mosanto.

Matai 3.2

Ye ete, Bobongola mitema! Mpø ete Bokonji na Likolo esili kobelema.

2 Bakɔlinti 7.10

Mpø ete, kojoka motema na mokano na Njambe ekoyeisa kobongwana na motema oyo ekoyeisa kobika mpe ntina na komisema na yango ejali te.

Misala 17.30

Na ntina na ntango na kojanga boyebi, Njambe akanisi yango te, nde sasaipi ajali kosakola na bato yønsø na bisika yønsø ete babongola mitema.

Luka 13.3

Nalobi na bino ete, Te, kasi søkø bokobongola mitema te, bino yønsø bokokufa bobele bongo.

Malako 2.5

Emoni Yesu kondima na bango, alobi na mokatatali ete, Mwana, masumu na yo masili kolimbisama.

Ejekiele 18.21

Soko nde moto mabe akobongwa na masumu masalaki ye mpe akotosa mibeko na ngai yonso, mpe akosala yango ejali sembo mpe alima, akobika solo, akokufa te.

Yisaya 55.7

Tika ete moto mabe alongwa na njela na ye mpe moto na masumu alongwa na mabanja na ye.

Tika ete abutwa epai na Yawe, ete ayokela ye mawa, epai na Njambe na biso, jambi akolimbisa na solo.

Emoniseli 3.20

Yoka, nateleemi na ekuke, mpe najali kobeta; solo nani akoyoka mongongo na ngai mpe akojipola monoko na ndako, nakokota epai na ye mpe tokolia elambo, biso na ye.

Misala 5.31

Njambe anetoli ye na loboko na ye na mobali, lokola Mokonji mpe Mobikisi, mpesa na kopesa Yisalaele kobongola na motema mpe kolimbisama na masumu.

Yisaya 1.16

Bomisukola, bomipetola, bongola mabe na makambo masalaki bino liboso na miso na ngai; botika kosala mabe.

Bakolose 3.2

Bobanjaka makambo na Likolo, bobanjaka makambo na mokili te.

Tito 2.11, 12

Jambi ngolu na Njambe esili komonana mpo na lobiko na batoyons. Yango ejali kolakisa biso ete toboya kotuka Njambe mpe kobila mposa na mokili, kasi tojala na bijaleli na kokanga

motema mpe na boyengebene mpe na kosambela Njambe kati na ekeke oyo.

Baefese 5.11

Bosangana te na misala na molili mijangi mbuma kasi kososolisa yango polele.

1 Yoane 2.15, 16

Bolinga mokili te sokø makambo kati na mokili te. Sokø moto nani akolingaka mokili, bolingo na Tata ejali kati na ye te. Jambi makambo yønsø kati na mokili, na mposa mabe na njoto mpe mposa mabe na miso mpe njombo na bijaleli iuti na Tata te kasi iuti na mokili.

Yoane 3.3

Yesu ajongisi monəkə mpe alobi na ye ete, Sələ sələ najali koloba na yo ete, səkə moto akobotama lisusu te akokoka koməna Bokonji na Njambe te.

2 Bakɔlinti 5.17

Boye, səkə moto ajali kati na Klisto, akomi bojalisi na sika; makambo na liboso malimwi, tala makambo na sika mayei.

1 Yoane 5.18

Toyebi ete moto na moto oyo asili kobotama na Njambe akosalaka masumu te mpɔ ete ye oyo abotami na Njambe akobatela ye mpe oyo mabe akoyeba kotiela ye lobəkə te.

1 Petələ 1.23

Bosili kobotama lisusu na moboto nokopəla te kasi na oyo ekobika seko mpɔ na liloba na Njambe lijali na bomɔi mpe likoumela seko.

1 Yoane 2.29

Səkə toyebi ete ye moyəngəbeni, toyeba mpe ete moto na moto oyo akosalaka na boyengetənə abotami na ye.

Ejekiele 36.26

Nakopəsa bino motema na sika, mpe nakotia molimo na sika na kati na bino; mpe nakolongo-la motema na libanga na kati na mosuni na bino, mpe nakopəsa bino motema na mosuni.

ASILI KOKUFA EPAI NA MASUMU—ASILI 29 KOSEKWA EPAI NA KLISTO

1 Petelo 2.24

Ye məkə akumbaki masumu na biso na njoto na ye mpenja kuna na njete, ete awa esili biso kokufela masumu, tojala na bomoi mpo na boyengebene. Tobiki na mapipi na ye.

Bagalatia 5.24

Baoyo bajali bato na Klisto Yesu basili kobakisa njoto na ekulusu esika məkə na mobulu mpe mposa na yango.

Baefese 2.1 mpe 6

Bino bojalaki bakufi kati na bikweli mpe na masumu na bino. . . . mpe asekwi biso na ye;

afandisi mpe biso na ye na bisika na Likolo kati na Klisto Yesu.

Bakələsə 3.1

Na bongo, səkə basili kosekwa na Klisto esika məkə, bolukaka makambo na Likolo, kuna efandi Klisto na lobəkə na Njambe na mobali.

Baloma 6.2 mpe 11

Biso tosili kokufela masumu, tokoki kobika na yango boni? . . . Bino mpe lokola, bomitanga bino mpenja ete bokufi mpo na masumu nde bojali na bomoi mpo na Njambe kati na Klisto Yesu.

Yoane 3.36

Ye oyo andimi Mwana ajali na bomoi na seko; ye oyo aby i Mwama akomona bomoi te, kasi nkanda na Njambe ekoume-la na ye.

Baloma 6.23

Jambi masumu makofuta mbɔngɔ, mbɔngɔ yango bobele kufa; nde Njambe akopesa likabo mpa-mba likabo na ye bomoi na seko kati na Yesu Klisto, Nkolo na biso.

Yoane 5.24

Solo solo najali koloba na bino ete ye oyo akoyoka liloba na ngai mpe akondima Motindi na

ngai, ajali na bomoi na seko mpe akokoma na esambiseli te kasi asili kolongwa na kufa mpe koi-nghela na bomoi.

Bagalatia 6.8

Sekɔ akokona kati na njoto, akobuka libebi kati na njoto; nde ye oyo akokona kati na Molimo akobuka bomoi na seko na njela na Molimo.

Yoane 3.14, 15

Mpe lokola Mose anetɔlaki nyoka kati na lisobe, boye ekoki na Mwana na moto konetwa, ete moto na moto oyo akondimaka ye ajala na bomoi na seko.

Baloma 8.16

Molimo yango akosangana na milimo na biso kotatola ete tojali bana na Njambe.

1 Yoane 4.13

Tokoyeba na njela oyo ete tojali koumela kati na ye mpe ye kati na biso mpø ete asili kopesa biso Molimo na ye.

Bagalatia 4.6

Mpø ete bino bojali bana, Njambe atindi Molimo na Mwana na ye kati na mitema na biso, konganga ete, Aba! Tata!

1 Yoane 3.18, 19

Bana, bolingana na bolingo na maloba te soko na monoko te

kasi na bolingo na misala mpe na solo. Tokoyeba ete tojali bato na solo na njela oyo, mpe tokondimisa mitema na biso liboso na ye.

Yisaya 32.17

Mosala na boyengebene ekojala kimia mpe nsuka na boyengebene ekojala kimia mpe kondima libela.

Yoane 14.21

Oyo ajali na malako na ngai mpe ajali kotosa yango, ye wana ajali molingi na ngai; molingi na ngai akolingana na Tata na ngai mpe nakolina ye mpe nacomimona epai na ye.

KLISTO KOFANDA KATI NA MOTEMA APESAKA ESENGO

Yoane 15.11

Nasololi makambo oyo na bino ete esenḡo na ngai ejala kati na bino mpe ete esenḡo na bino etondisama.

Yoane 17.13

Sasaipi najali koya epai na ȳo mpe najali kosolola makambo oyo kati na mokili ete batonda na esenḡo na ngai kati na bango.

Yisaya 12.3

Na esenḡo bokotoka mai na majiba na kobakisama.

Bagalatia 2.20

Nasili kobakisama na ekulusu esika mōk̄o na Klisto. Boye, ngai najali lisusu na bom̄i t̄e, kasi

Klisto ajali na bom̄i kati na ngai. Mpe bom̄i bojali na ngai na njoto sasaipi, najali na yango mp̄o na kondima Mwana na Njambe oyo alingaki ngai mpe amipesaki ye mpenja mp̄o na ngai.

Baloma 14.17

Jambi Bokonji na Njambe ejali likambo na kolia mpe na komela t̄e kasi ejali boyenḡebene mpe kimia mpe esenḡo kati na Molimo Mosanto.

Njembo 16.11

Okoyebisa ngai njela na bom̄i; esenḡo mingi na kotonda ejali epai na ȳo; kosepela ejali na lob̄oko na ȳo na mobali libela.

Baloma 6.16

Boyebi te ete soko bokomipesa bino mpenja epai na moto ete bosalela ye na botosi, bojali bao-mbo na ye oyo bokotosaka, soko baombo na masumu oyo ikoka-mba kino kufa, soko baombo na botosi oyo ekokamba kino boy-e-negebenε?

2 Batesaloniki 1.7-9

Mpe kopesa bino banyokolami epemelo esika moko na biso na ntango na komonana na Nkolo Yesu wana ekobima ye na Likolo esika moko na banje na ye na nguya, kati na epelelo na moko

ete apesa bato mabe etumbu bao-yo bayebi Njambe te mpe baja-ngi kotosa Nsango Malamu na Nkolo na biso Yesu. Bakojua li-futi na kobebe na seko mpe ko-bwakama libanda longwa na libo-so na ye mpe longwa na nkembε na nguya na ye.

Dutelənəmə 11.26-28a

Tala, natii na liboso na bino lələ lipamboli mpe elakeli mabe, lipamboli soko bokotosa malako na Yawe Njambe na bino, oyo elakeli ngai bino lələ, mpe elakeli mabe soko bokotosa malako na Yawe Njambe na bino te.

Bafilipi 2.11

Mpe ete ndemo yɔnsɔ iyambo-laka ete YESU KLISTO YE NKOLO mpɔ na nkembo na Njambe Tata.

Matai 10.32, 33

Boye, moto na moto oyo akyambola ngai liboso na bato, ngai mpe nakoyambola ye liboso na Tata na ngai na Likolo. Nde ye oyo akoangana ngai liboso na bato, ngai mpe nakoangana ye liboso na Tata na ngai na Likolo.

Baloma 10.9, 10

Sokɔ okoyambola na bibεbu na yɔ ete Yesu ajali Nkolo mpe sokɔ okondima na motema na

yɔ ete Njambe asekwisi ye na bakufi, okobika. Jambi kondima oyo ekokomisa moto na boyengetenε ejali na motema, mpe eyambweli ekokomisa moto na lobiko ejali na bibεbu.

1 Yoane 2.23

Bato yɔnsɔ baoyo bakoangana Mwana bajangi mpe Tata. Ye oyo akyambola Mwana, ajali mpe na Tata.

Luka 9.26

Mpɔ ete sokɔ moto nani ayo-keli ngai na maloba na ngai nsɔni, Mwana na moto akoyo-kela ye nsɔni wana ekoya ye na nkembo na ye, mpe na Tata na ye, mpe na banje na bulɛɛ.

1 Petelə 5.8

Bomisenjela, bolala mpɔngi te; motemeli na bino, oyo mabe, ajali kotambola lokola nkɔsi kongulum, kolukaka sɔkɔ akolia nani.

Baefese 6.11

Bolata molato mobimba na etumba na Njambe ete boyeba kotelema liboso na mayeleaf na oyo mabe.

Matai 4.1 mpe 10, 11

Bongo Molimo akambi Yesu kino lisobe ete Satana ameka ye. . . . Yesu alobi na ye ete, Longwa na yo, Satana. Jambi ekomami ete, Okokumbamela Nko-

lo Njambe na yo mpe okosalela bobele ye. Bongo, Satana atiki ye mpe tala banje bayei mpe baseleli ye.

2 Batesalɔniki 2.9

Koya na ye Moto na Lofundo ekojala mpɔ na mosala na Satana, mosala na nguya yɔnsɔ mpe na bilembo mpe na bikamwiseli na lokuta.

Misala 26.18

Ete babongwa na molili epai na moi, mpe na nguya na Satana epai na Njambe; ete bajua kollimbisa na masumu mpe libula kati na bango basili kobulama mpɔ na kondimela ngai.

1 Yoane 3.8

Ye oyo akosalaka masumu auti na Satana mpo ete Satana ajali kosala masumu longwa na ebandeli. Yango wana, Mwana na Njambe amɔnani ete abebisa misala na oyo na mabe.

2 Bat̄salɔ̄niki 2.8

Bongo, Moto na Lofundo akomɔnana polele, ye oyo Nkolo Yesu akoboma ye na mpema na mon̄kɔ na ye mpe akobebisa ye nyɛ wana ekomɔnana ye na ntango ekoya ye.

Bæbælæ 2.14

Na bongo, awa ejali bana kosangana na makila mpe na mosuni, bobælæ bongo ye mpe asa-

ngani na yango na ntina ete na njela na kufa abebisa ye oyo ajali na bokonji na kufa, ye wana oyo na mabe.

Yakobo 4.7, 8a

Na bongo, botosaka Njambe. Botemelaka oyo na mabe mpe akokima longwa na bino. Bobælæma epai na Njambe mpe ye akobælæma epai na bino.

Baloma 8.35 mpe 37

Nani akotangola biso na bolingo na Klisto? Bolɔ̄ji sɔ̄kɔ nkaka sɔ̄kɔ minyɔ̄kɔ sɔ̄kɔ njala sɔ̄kɔ bolumbu sɔ̄kɔ likamba sɔ̄kɔ mopanga? . . . Kasi na makambo oyo yɔ̄nsɔ tokoleka kolonga na mpo na ye oyo alingaki biso.

Bagalatia 5.22, 23a

Nde mbuma na Molimo ijali boye: bolingo, esengɔ, kimia, motema pɛtɛɛ, boboto, malamu, kondima, bopɔlɔ mpe komikanga motema.

1 Bakɔlinti 13.1

Ata nakolobaka na maloba na bato mpe na banje nde najangi bolingo, najali bobɛlɛ ngonga ekolobaka ngbaa ngbaa to elonja ekolobaka ngbengbele ngbengbele.

1 Yoane 4.20

Sɔkɔ moto nani alobi ete, Nalingi Njambe, nde ajali koyina ndeko na ye, ye wana moto na

lokuta. Mpɔ ete ye oyo akolingaka ndeko na ye tɛ, awa esili ye komɔna ye, akolonga kolinga Njambe tɛ, oyo amɔni naino ye tɛ.

Yoane 13.35

Na bongo bato yɔnsɔ bakoyeba ete bojali bayekoli na ngai sɔkɔ bojalani na bolingo.

Yoane 21.16

Alobi na ye mbala na mibale ete, Simona, mwana na Yoane, olingi nde ngai? Alobi na ye ete, Eɛ Motei, yɔ oyebi ete najali moninga na yɔ. Alobi na ye ete, Batela bampate na ngai.

Baloma 4.25

Mpo akabami mpo na mabunga na biso mpe asekwi mpo na elonga na biso.

Yoane 20.26-28

Nsimma na mikɔlɔ mwambe, bayekoli bajalaki Iisusu na kati na ndako, mpe Toma esika mɔkɔ na bango. Yesu ayei wana bikuke bisili kokangama mpe ateləmi katikati mpe alobi ete, Kimia ejala na bino! Bongo alobi na Toma ete, Yaka na mosapi na yo mpe tala matandu na ngai. Yaka na lobɔkɔ na yo mpe tia yango na mopanje na ngai; jala na ntembe tε kasi na ko-

ndima. Toma ajongisi monɔkɔ mpe alobi na ye ete, Nkolo na ngai mpe Njambe na ngai.

Misala 10.39-41

Biso mpe tojali batatoli na makambo yɔnsɔ masali ye na mokili na Bayuda mpe na Yelusaleme. Babomi ye, bakakisi ye na njete, Njambe nde asekwisi ye na mokɔlɔ na misato, mpe atalisi ye polele, nde na bato yɔnsɔ tε, kasi na batatoli bapɔnami na Njambe liboso. Biso batatoli wana, toliaki mpe tomɛlaki esika mɔkɔ na ye na nsimma na kosekwa na ye kati na bakufi.

2 Bakɔlinti 4.14

Toyebi ete ye oyo asekwisi Nkolo Yesu akosekwisa mpe biso esika mɔkɔ na Yesu mpe akotɛmissa biso liboso na ye na bino elɔngɔ.

Yoane 5.25 mpe 28, 29

Sɔlɔ sɔlɔ najali koloba na bino ete, ntango ekoya, εε ejali sa-saipi, wana bakufi bakoyoka mongongo na Mwana na Njambe mpe baoyo bayoki bakojala na bomɔi. . . Bokamwa na likambo oyo tε, mpɔ ete ntango ekoya wana yɔnsɔ bajali kati na nkunda bakoyoka mongongo na ye, mpe

bakobima; baoyo basalaki mala-mu kino lisekwa na bomɔi; baoyo basalaki yauli kino lisekwa na kosambisama.

Baloma 6.3-5

Boyebi tε ete biso yɔnsɔ tobatisami kati na Yesu Klisto, tobatisami kati na kufa na ye? Tokundami na ye elɔngɔ na njela na kobatisama, tolali lokola bakufi ete, lokola Klisto asekwaki kati na bakufi mpɔ na nkembɔ na Tata, biso mpe totambola na bomɔi na sika. Sɔkɔ tosili kosa-ngana na ye elɔngɔ kati na lole-nge na kufa na ye, tokosangana mpe na ye kati na lisekwa na ye.

Luka 1.74, 75

Ete tosikolama na nguya na bayini na biso mpo na kosalela ye na kobanga te na mpeto mpe na boyengebene liboso na ye mikolo na biso yonsa.

2 Bakolinti 7.1

Balingami, awa ejali biso na bilaka oyo, tomipetola mpenja na mbindo yonsa na njoto mpe na molimo mpe tokokisa ejaleli na biso na bulaa kati na nsomo na Nkolo.

2 Timote 2.21

Soko moto nani akomipetola na makambo oyo, akojala eloko mpo

na mosala na lokumu oyo ebulisami mpe ekosepelisa mokolo na ndako; oyo ebongi mpe mpo na misala yonsa malamu.

1 Petelo 1.15

Kasi bojala bulaa na bijaleli yonsa na bino pelamoko oyo abiangi bino ajali mpe bulaa.

1 Petelo 1.2

Njambe Tata apenaki bino pelamoko na boyebi boyebaki ye liboso na njela na kobulisa bino na Molimo mpo na litosi mpe mpo na komwangisama na makila na Yesu Klisto. Ngolu ejala na bino mpe kimia eyikana na bino.

Baεbele 13.12

Bobεle bongo mpe Yesu ayo-kaki mpasi libanda na ekuke mpo na kobulisa bato na njela na makila na ye mɔkɔ.

1 Yoane 1.9

Sɔkɔ tokoyambola masumu na biso, ye ajali sembo mpe moyengεbeni mpo na kolimbisa biso masumu na biso mpe kopetɔla biso na bokεsεnε yɔnsɔ.

Matai 3.11

Ngai nabatisi bino na mai mpo na kobongwana na motema. Ye oyo akoya nsima na ngai aleki ngai na nguya; nabɔngi kokumba

sapato na ye tε. Ye wana akobatisa bino na Molimo Mosanto mpe na mɔtɔ.

Baefesse 1.4

Aρɔnaki biso kati na ye liboso na kojalisama na mokili ete biso tojala bulεε mpe na kojangā ekweli liboso na ye kati na bolingo.

Yisaya 35.8

Balabala ekojala wana, njela mpenja; ekobiangama ete, Njela na bulεε; baoyo na mbindo bakoleka wana tε; kasi ekojala mpo na bango; batamboli, εε ata bajoba mpenja, bakobunga wana tε.

Baloma 8.9

Bino bojali bato na njoto te kasi bato na molimo soko Molimo na Njambe afandi kati na bino soko. Ye nani ajangi Molimo na Klisto ajali moto na ye te.

Ejekiele 36.27

Mpe nakotia Molimo na ngai na kati na bino, mpe nakotambo-lisa bino na mibeko na ngai, mpe bokotosa malako na ngai mpe bokosala yango.

Misala 4.31

Ejalaki bango kolomba, esika eyangani bango eningani. Bango yonsoko batondaki na Molimo Mo-

santo, mpe na molende basakoli Liloba na Njambe.

Misala 1.8a

Kasi wana ekosila Molimo Mo-santo koya na likolo na bino, bokojuwa nguya, mpe bokojala batoli na ngai kati...

Misala 13.52

Mpe bayekoli batondaki na esengoko mpe na Molimo Mosanto.

Luka 11.13

Na bongo soko bino bato mabe boyebi kopesa bana na bino makabo malamu, Tata na bino na Likolo akoleka kopesa Molimo Mosanto na bango balombi ye te?

Njembo 34.18

Yawe ajali penepeñe na bango bajali na mitema mitutami; akobikisa bango bajali na milimo minyetami.

Eməniseli 21.4

Akolongola mpisoli yənsə na miso na bango, mpe kufa ekojala lisusu tə, na mawa, na kolela, na mpasi, lisusu mpe tə; mpə ete makambo na liboso masili koleka.

1 Petelo 4.12, 13

Balingami, mpə na moto na monyəkə mojali kokomela bino lokola emekeli, bokamwa tə pelaməkə səkə ekamwiseli ejali kwela bino. Kasi motindo mosu-

su, bosepela ete bojali kosangana na mpasi na Klisto ete bosepela na esəngə monenə wana ekomə-nana nkembə na ye.

Njembo 37.3

Jala na elikia epai na Yawe mpe sala malamu; boye okofanda na mokili mpe okosepela na malamu.

Yisaya 66.2

Lobəkə na ngai esali biləkə oyo yənsə mpe bongo biləkə oyo yənsə ibimaki. Yawe alobi bongo. Nde nakotalaka epai na moto oyo: ye oyo ajali mosəkəmi mpe atutami na molimo mpe ajali kolenga mpə na liloba na ngai.

44 ELAKA MPO NA BATU KOJUA KOMEKAMA

Baebel 2.18

Jambi lokola esili ye mōkō koyoka mpasi mpe komekama, ayebi kosunga bamekami.

Baloma 16.20a

Na ntango moke, Njambe na kimia akonyatela Satana na nse na makolo na bino...

Njembo 34.19

Moyēngēbeni ajali na makambo mingi na mpasi nde Yawe akobikisa ye kati na yango yōnsō.

Baloma 8.28

Toyebi ete Njambe akosalana mosala mpo na malamu kati na makambo yōnsō epai na bango

bakolingaka ye, bango babianga-mi mpo na mokano na ye.

Yisaya 43.2

Wana ekoleka yō kati na mai, ngai najali na yō, mpe kati na bibale, ikojindisa yō tē. Wana ekotambola yō kati na mōtō, okojikisama tē, lolemo na mōtō ekojikisa yō tē.

1 Bakɔlinti 10.13

Emekeli mōkō ekomeli bino tē oyo ejangi epai na bato yōnsō. Njambe ajali sembo; ye oyo akotika bino tē ete bomekama na koleka nguya na bino, kasi esika mōkō na emekeli, akobōngisa eki-melo ete bokoka koyika mpiko.

Eməniseli 3.5

Mpɔ na molongi, ye akolatisa-
ma bongo na bilamba mpɛmbɛ,
mpe nakoboma nkombo na ye na
Buku na Bomɔi tɛ, nde nakoya-
mbola nkombo na ye na miso na
Tata na ngai mpe na miso na ba-
nje na ye.

Eməniseli 3.12

Mpɔ na molongi, nakojalisa ye
likonji kati na Tempelo na Nja-
mbe na ngai, mpe akobima wana
lisusu sɔkɔ moke tɛ; mpe nakoko-
ma nkombo na Njambe na ngai
likolo na ye, na nkombo na mbo-
ka na Njambe na ngai, yango Ye-
lusaleme na sika oyo ekokita na

Likolo kolongwa na Njambe na
ngai, mpe nkombo na ngai na si-
ka.

Eməniseli 3.21

Mpɔ na molongi nakopɛsa ye
njela na kofanda na ngai elɔŋgɔ
na kiti na bokonji na ngai, lokola
ngai mpe nalangi mpe nafandi na
Tata na ngai elɔŋgɔ na kiti na bo-
konji na ye.

Eməniseli 2.7

Oyo ajali na litoi ayoka yango
elobi Molimo na mangomba ete,
Mpɔ na molongi, nakopɛsa ye
njela na kolia mbuma na njete na
bomɔi, oyo ejali kati na paladiso
na Njambe.

NJAMBE ASOLOLI NA LIKAMBO NA KOKABOLANA NA MWASI MPE MOBALI

Luka 16.18

Mobali na mobali oyo alongoli mwasi na ye mpe abali mwasi mosusu, ajali kosala ekobo; mpe mobali oyo abali mwasi oyo asili kolongolama na mobali mosusu, ajali kosala ekobo.

I Bakolinti 7.10, 11, 39

Epai na baoyo basili kobalana, najali na liloba (kasi ejali na ngai mokɔ te, euti na Nkolo) ete mwasi alongwa na mobali te. Kasi sɔkɔ akolongwa, atikala kojanga mobali sɔkɔ ajongi na mobali na ye te. Ekoki na mobali kolongola mwasi na ye te... Mwasi akangami na mobali na ye na ntango

wana ejali ye na bomɔi. Sɔkɔ mobali akokufa, akokangwa ete abalana na ye oyo elingi ye, kasi kati na Nkolo.

Baloma 7.2, 3

Mwasi oyo abalani na mobali akangami na ye na mibeko bobele na ntango na bomɔi na mobali. Sɔkɔ mobali akokufa, akokangwa na mibeko na mobali. Sɔkɔ afandi na mobali mosusu naino mobali na ye ajali na bomɔi, akotangama mwasi na ekobo. Nde sɔkɔ mobali na ye akokufa, akokangwa na mibeko; sɔkɔ mpe akobalana na mobali mosusu, akojala mwasi na ekobo te.

Yakobo 5.8

Bino mpe, bojala na mitema milai, bolendisa mitema na bino, mpø ete Komɔnana na Nkolo ejali kobelema.

Matai 24.30

Bongo elembø na Mwana na moto ekomɔnana na Likolo mpe mabota yɔnsɔ na mokili bakolela mpe bakomɔna Mwana na moto ajali koya na mapata na Likolo na nguya mpe na nkembo mingi elɔngɔ.

Malako 8.38

Moto nani akoyoka nsɔni na ntina na ngai mpe na ntina na maloba na ngai na kati na libota

oyo na pite mpe masumu, Mwana na moto akoyoka nsɔni na ntina na ye, wana ekoya ye kati na nkembo na Tata na ye esika mɔkɔ na banje na bulɛɛ.

Yoane 14.3

Mpe sɔkɔ nakokɔnda kobɔngisela bino esika, nakoya lisusu mpe nakoyamba bino epai na ngai ete esika ejali ngai, bino bojala mpe wana lokola.

Matai 24.27

Mpø ete, lokola mokalikali ekobimaka epai na likolo, ekongengaka epai na ngelɛ, bongo mpe koya na Mwana na moto ekojala.

1 Yoane 3.2

Balingami, sasaipi tojali bana na Njambe mpe naino emɔnani te sɔkɔ tokojala nini. Toyebi ete sɔkɔ yango ekomɔnana, tokojala lokola ye, mpo ete tokomɔna ye pelamɔkɔ ejali ye.

Emɔniseli 16.15

Tala! Nakoya lokola moyibi. Esengɔ na oyo akengeli mpe abateli bilamba na ye, ete atambola bolumbu te mpe amɔna nsɔni te.

Misala 1.11

Mpe balobi ete, Mibali na Galilai, botemí kotala na Likolo mpo na nini? Yesu oyo mɔkɔ, oyo alongwi na bino kokamatama na

Likolo, akoya bobele bongo na motindo emɔni bino ye kokɔta na Likolo.

Matai 16.27

Jambi ekoki na Mwana na moto ete aya na nkembɔ na Tata na ye esika mɔkɔ na banje na ye mpe na ntango yango akopesa moto na moto libonja kobila misala na ye.

Luka 21.27

Na ntango yango bakomɔna Mwana na moto koya na lipata, na nguya na nkembɔ mingi.

Luka 12.40

Ekoki na bino mpe koselingwa, mpo ete Mwana na moto akoya na ntango ekokanisa bino te.

MALOBA NA NZAMBE

Najali kobatela liloba na yo
na motema na ngai ete nasala
mabe epai an yo te.

–Njembo 119.11

Likolo ekoleka, na nse lokola,
nde maloba na ngai makoleka
sokɔ̄ moke te. –Luka 21.33

Liloba na yo ejali mwinda na
makaka na ngai mpe pole na
njela na ngai. –Njembo 119.105

Makomi yɔ̄nsɔ̄ mapemami na
Molimo na Njambe, makoki
kopesa litomba na mateyo, na
mpamela, mpɔ̄ na kosembola
mpe mpɔ̄ na kobɔ̄kɔ̄la, kati na

boyengebenɛ. –2 Timote 3.16

Yesu ajongisi monɔ̄kɔ̄, alobi
na bango ete, Bobungi mpɔ̄ ete
boyebi ata makomi te, ata
nguya na Njambe te.

–Matai 22.29

Mpɔ̄ esakweli mɔ̄kɔ̄ te ebima-
ki na mokano na moto, kasi
bato bauti na Njambe balobi
wana ejalaki bango kopusama
na Molimo Mosanto.

–2 Petelɔ̄ 1.21

Ɛ Yawe, liloba na yo etelemi
na likolo lobiko na lobiko.

–Njembo 119.89

Dieu pourvoit au coût de ces livrets grâce à des contributions, ce qui permet d'en envoyer des quantités limitées gratuites à tous ceux qui nous en demandent.

**Pour des questions ou de plus amples informations par pays,
veuillez consulter: wmp-contacts.org**

World Missionary Press, Inc.
PO Box 120
New Paris, IN 46553-0120 USA
www.wmpress.org

4-24


Read booklets online or by App
www.wmp-readonline.org
47 Lingala HFA – Haut Fleuve